



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab anno Christi 1514. usque ad annum 1520

**Fleury, Claude**

**August. Vind. [u.a.], 1769**

**VD18 90118464**

Præfatio.

---

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)



## PRÆFATIO.

**C**um in prioribus continuatæ hujus Historiæ tomis crebra eaque luculenta occurrerint argumenta, ex quibus Lutheranae hæresis ortus, & progressus manifestabatur, sequentes tomi, ac præcipue præsens ordine XXXIII. illius exitum, seu potius mala inde exorta demonstrat. Ea vero fusiori calamo describere, supervacaneum fore existimo, cum illa ad hanc usque ætatem non modo Ecclesia jugibus lacrimis deploret, sed profani etiam Status exinde continuis dissensionum tumultibus se-

se agitari doleant. Ut vero certum, fideque dignum habeamus testimonium turbarum, quas spurii hi Reformatores jam sub primis sectæ suæ auspiciis suscitarent, haud abs re fore censemus, coævi cujusdam Scriptoris verba referre, ex antiquis Annalibus Manuscriptis Augustæ in celeberrima quadam Imperiali Abbatia reservatis integra fide descripta, ac Anno Domini 1654. prima vice publici juris facta. Hic Auctor historicam suam relationem de ortu & progressu hæresum in Germania, præsertim vero Augustæ Vindelicorum exorsus est ab anno Christi millesimo quingentesimo decimo octavo, eamque usque ad annum millesimum quingentesimum vigesimum tertium protraxit, usus quidam stylo inculto, atque a Latini sermonis puritate nonnunquam multum alieno, vero tamen ac sincero; tantam enim morum & Religionis barbariem, quæ tum grassabatur, haud comptior decebat oratio, quinimo idipsum veritati Majestatem conciliasse videtur, quod simplici calamo descriptum. Porro quædam omisimus, quæ vel minoris momenti

menti, vel minus ad rem nostram conducere videbantur, cetera vero omni fidelitate transcripsimus. Percipiamus igitur hujus Scriptoris relationem, quæ ita incipit:

Anno Domini 1518. Maximilianus Imperator diætam Augustæ ad festum S. Udalrici omnibus Principibus & membris Romani Imperii indixit. In quo conventu convenerunt tres Reverendissimi Domini Cardinales, Cajetanus, Gurcensis, & Moguntinus ibidem investitus: Pluresque Regum Oratores, Principes, Electores, & omnes fere Germaniæ Principes, Duces, Marchiones, Comites, Barones, ac Nobiles, Communitates, cum magna parte Episcoporum, qualis in Imperio supra triginta annos visus non est.

Ad illam diætam etiam vocatus fuit Doctor Martinus Luther Ordinis Eremitarum S. Augustini ex Monasterio Wittenbergensi, ubi Fridericus Dux Saxonix cum sua curia residentiam habebat: qui oriundus fuit de Eisleben sub Dominio Comitum de Mansfelden. Is Doctor Martinus cæpit scribere atque prædicare contra potestatem Papæ, & claves Ecclesiæ. Quare citatus venire recusavit ad curiam, seu aliunde, nisi in Germaniam, & non aliter, nisi sub salvo conductu, de loco ad locum sibi placito, & tuto.

tuto. Et hoc non nisi sigillis Cæsaris, & Electorum Principum literis roboratis, quod & factum fuit. Cum autem Augustam venisset, disputationem cum Doctore Joanne Eggio subire recusavit, nisi in partibus Saxoniae. Quare ad Lipsiam sequentis anni dies disputationis indicta fuit. Cardinalis etiam Cajetanus Thomas tituli S. Sixti Legatus, ex quo disputationem recusavit, petiit contra Lutherum juridicum processum, tanquam contra hæreticum, & Schismaticum, & a Sede Apostolica condemnatum: quod sibi denegatum fuit, propter salvum scriptum conductum Cæsaris & Principum Electorum. Hunc Fridericus Dux Saxoniae, Princeps Elector commensalem habuit, & ex tunc semper fovit, ac protexit.

D. Joannes Egk Theologus, Rector Universitatis Ingolstadiensis, Lipsiæ cum Luthero publice disputavit coram Notariis, & testibus, præsentibus Ducis Georgii Saxoniae Consiliariis, atque tota Universitate, de potestate clavium, ac aliorum plurimorum errorum, fuitque ab Egkio Wiclephista & Hussita nominatus. Disputatione finita, disputata, ac narrata omnia sigillo Principis Georgii munita fuerunt, & ad Gymnasium Parisiense missa pro sententia ferenda. Parisienses autem post maturam examinationem, dederunt sententiam contra Lutherum tanquam hæreticum, & quod Egkius optime de fide Christiana sensisset.

Litera